

Transkription von Urkunde HAL 1338a

Ort, Datierung: Halle, 1338-10-16

Signatur: Stadtarchiv Halle, II, Urk., 25 U 1 Nr. 25 [\[online\]](#)

Inhalt: St. Moritz Stift: Sühnebrief

Wie Marquard von der gnade goddis prouest . . Joh(ann)es prior vn(de) / die conue(n)t gemeine der
regelere des goddishus Sente mauricius / tũ halle . . Be kenne(n) openlike(n) an disseme
ieghenwerdigen brive . . Dat wie / vns mit den bũrg(er)en vn(de) der stat gemeine tũ Halle vm(m)e
den krich , die / twische(n) on vn(de) vns vmme ore bũrgh(er)e hanse gũt iare vn(de) Merten smede , /
wente her tũ geweset is . vrũntliken be richtet hebben vn(de) ge sũnet .. Also dat / hans gut iares hus
mit einer halue(n) m(a)rc thinses , die hie vns von deme huse / gheue(n) schal , vnse goddis huses sin
vn(de) bliuen scal , ewichliken , ane allerleige / hindernisse , vn(de) wie scollen ome dat hus ligen tũ
eime rechte(n) erue , Des hebbe / wie , vn(de) vnse vorgnante goddishus , tũ weder stadinghe disser
vorgna(n)te(n) dinghe , / ge gheue(n) eine halue m(a)rc gheldes , tũ gelũchte der capellen tũ deme
hilge(n) graue / die hebbe wie bewiset , an hermen ameke(n) hũs , vor sente Vlrikes kerchoue , / die
man alle iar vo(n) deme hus vp neme(n) scal , tũ deme vorgena(n)te gelũchte , Ok / hebbe wie gelouet
Dat die stede , vn(de) dat blek , dat der lit twische(n) hans gũt/iares hus vn(de) deme hilge(n) graue ,
vn(de) sente Johanes capellen , die scal ledich vn(de) / vri sten , also dat wie noch vnse goddis hũs ,
noch die stat , die stede nicht vor/bũwen schollen Vorbat mer so hebbe wie gelouet , dat , dat hus , dar
merte(n) / smet inne wonet vor deme galch dore ¹ , der stat eigen bliue(n) scal , an allerleige
hindernisse vn(de) ansprake , / vnse goddishuses , Vp em openbar orkunde disser dinghe , dat die
stede vn(de) / ghantz gehalden werden so hebbe wie ² vorgnante prouest vnse , vn(de) vnse
co(n)ue(n)/tes inghesegele , an dissesn brif , ge hanghen , Na goddis gebort dusent iar drũ/hũndert iar
in deme achtvndrittegesten iare , in sente Gallen daghe , /

¹ **vor deme galch dore** nachträglich von selber Schreiberhand über der Zeile eingefügt

² **wie** nachträglich von selber Schreiberhand über der Zeile eingefügt